

## **XORNADA DE RECOÑECEMENTO AO DINAMIZADOR RURAL 2020**

### Data de celebración:

24 de outubro de 2020

### Motivo:

Recoñecemento ao dinamizador rural, ben sexa persoa física ou colectivo privado, que dedica gran parte do seu esforzo de xeito altruísta en prol da posta en valor e/ou recuperación do patrimonio cultural, etnográfico, arqueolóxico, natural, arquitectónico, musical, documental, inmaterial ou material, etc.

### Contido da xornada:

Realizarase unha xornada consistente na celebración dunha gala de recoñecemento a labourea dinamizadora do rural de distintas entidades e persoas físicas nun lugar a determinar.

### Premios:

Serán recoñecidos un proxecto por concello e un por comarca, sendo ambos excluíntes.

## **BASES REGULADORAS DOS PREMIOS DE RECOÑECEMENTO AO DINAMIZADOR RURAL**

A ASOCIACIÓN DE DESENVOLVEMENTO RURAL CONDADO PARADANTA, foi creada na Cañiza no ano 2008 co fin de integrar e representar axentes territoriais, institucionais, sociais e económicos interesados en promover o desenvolvemento social e económico da Comarca Condado Paradanta.

No exercicio das funcións que ten encomendadas, compételle ao GDR Condado Paradanta impulsar a formulación, por parte dos axentes socioeconómicos locais das zonas rurais, de iniciativas de desenvolvemento. Neste marco, resulta de interese pór en marcha actuacións que animen á participación pública e privada no proceso de desenvolvemento rural e que contribúan a conservar e dinamizar o contorno rural facendo del un medio máis atractivo.

É por iso que o GDR Condado Paradanta pretende co desenvolvemento desta xornada e coa concesión destes premios recoñecer o esforzo que as distintas entidades privadas e/ou persoas físicas fan, de maneira altruísta, co obxectivo de por en valor e/ou recuperar o diverso patrimonio que nas nosas parroquias existe. En definitiva premiar a aqueles colectivos que fomenten a xeración dunha sociedade rural máis viva e cohesionada.

A facultade para aprobar as bases dos premios GDR Condado Paradanta ao recoñecemento do dinamizador rural e para convocalo está delegada na Xunta Directiva da Asociación de Desenvolvemento Rural Condado Paradanta.

De acordo co exposto,

## **RESOLVO**

### Artigo 1: Obxecto

1. Estas bases teñen por obxecto regular a concesión dos Recoñecementos GDR Condado Paradanta ao Dinamizador Rural.
2. O procedemento de concesión tramitarase en réxime de concorrencia competitiva, nos termos previstos nos artigos 20 e seguintes da Lei 9/2007, do 13 de xuño, de subvencións de Galicia (en adiante, LSG).
3. En todo o non previsto nestas bases será de aplicación a LSG, así como o Decreto 11/2009, do 8 de xaneiro, polo que se aproba o Regulamento da citada LSG.

### Artigo 2: Persoas destinatarias

Poderán presentar candidaturas aos premios GDR Condado Paradanta ao dinamizador rural as persoas físicas ou colectivos privados do territorio de actuación deste GDR, sempre que carezan de fins lucrativos.

### Artigo 3: Persoas que poden ser premiadas

1. Nos termos desta resolución poderanse conceder os premios ás iniciativas que cumpran os seguintes requisitos:
  - Que se localicen no territorio de actuación do GDR Condado Paradanta (Concellos de A Cañiza, Arbo, As Neves, Covelo, Crecente, Mondariz, Mondariz Balneario, Pontearreas, Salvaterra de Miño e Salceda de Caselas).
  - Que contribúan de xeito singular a promocionar o medio rural e a xerar unha sociedade rural máis dinámica e cohesionada a través da recuperación e/ou posta en valor do patrimonio, material ou inmaterial, do noso territorio.
  - Que estean executadas, ou que veñan sendo executadas, con carácter previo á data de

publicación da convocatoria.

2. Tan só os proxectos ou iniciativas de posta en valor e/ou recuperación do patrimonio, material ou inmaterial, do noso territorio serán obxecto de ser premiadas. Non son obxecto de ser premiadas as propias entidades, institucións ou persoas físicas. Premiaranse os seus proxectos e iniciativas.

#### Artigo 5: Notificacións

1. As notificacións de resolucións e actos administrativos practicaranse por medios electrónicos a través do correo electrónico.
2. O día 5 de outubro de 2020 notificarase o listado de admitidos provisional.
3. Tras tres días para a presentación de alegacións, o día 8 de outubro de 2020 notificarase o listado definitivo de admitidos e excluídos.

#### Artigo 6: Presentación de solicitudes

1. As solicitudes presentaranse por correo electrónico, enviando a documentación do proxecto ao correo: [gdr@gdrcondadoparadanta.gal](mailto:gdr@gdrcondadoparadanta.gal)
2. Poderanse presentar solicitudes ata o mércores día 30 de setembro de 2020

#### Artigo 7: Documentación complementaria necesaria

As persoas interesadas deben achegar coa solicitude a seguinte documentación:

- Memoria descritiva, como máximo dous folios, onde se poña de manifesto os aspectos máis importantes do proxecto ou iniciativa polo que se pretende optar ao recoñecemento de dinamizador rural.
- Documentos acreditativos da personalidade e, de ser o caso, da representación do solicitante:
  - No caso de persoas xurídicas:
    - Certificado expedido polos rexistros públicos que correspondan en función da personalidade xurídica de que se trate, en que se identifique a constitución e a representación correspondente, con indicación do seu alcance e vixencia.
    - De non achegarse o dito certificado, deberán presentar copia das

correspondentes escrituras de constitución e do poder de representación, debidamente inscritas no rexistro público que corresponda segundo o tipo de personalidade xurídica de que se trate.

- Así mesmo, deberanse presentar as modificacións posteriores dos documentos indicados.

– Calquera outra documentación que o promotor considere interesante, tal como cartas de apoio, publicacións, fotografías, outros documentos gráficos e, en xeral, calquera outra que contribúa a fortalecer a candidatura que se presenta.

#### Artigo 9: Comprobación de datos

1. Para tramitar este procedemento deberanse presentar xunto coa solicitude os seguintes documentos para poder comprobar a veracidade dos datos:

- DNI/NIE da persoa física solicitante.
- NIF da persoa xurídica solicitante.
- DNI/NIE da persoa representante.
- Estar ao día nas obrigas tributarias coa Axencia Estatal de Administración Tributaria.
- Estar ao día do pagamento coa Seguridade Social.
- Estar ao día do pagamento coa Consellería de Facenda.

#### Artigo 10: Instrución do procedemento

1. Os actos de instrución do procedemento en virtude dos que deba ditarse a resolución de concesión corresponderanlle á Xunta Directiva do GDR Condado Paradanta.

2. O GDR Condado Paradanta poderá requirir ao solicitante para que achegue aqueles datos, documentos complementarios ou aclaracións que resulten necesarios para tramitar e resolver o procedemento.

3. Logo de revisar as solicitudes e as emendas feitas, as candidaturas que reúnan todos os requisitos serán remitidas ao xurado encargados da súa valoración.

#### Artigo 11: Proceso de selección das candidaturas

1. Para a concesión dos premios constituirase un xurado, que será designado para o efecto por resolución do Presidente do GDR Condado Paradanta tras acordo da Xunta Directiva.

2. Competen ao xurado, entre outras actuacións:

- Avaliar as iniciativas de acordo cos criterios referidos no artigo 12 destas bases.
- Efectuar a proposta de resolución, que terá carácter vinculante para o órgano encargado de resolver a selección das iniciativas premiadas.
- Resolver as incidencias que puidesen presentarse no curso do procedemento de selección de candidaturas naqueles supostos non previstos nestas bases.

3. No curso do procedemento de selección, o xurado pode solicitar tanta información consideren oportuna respecto das candidaturas presentadas e poden, para estes efectos, realizar visitas sobre o terreo.

4. O xurado poderá propor que se declare deserto calquera dos premios. Así mesmo, poderá propor a concesión compartida dun premio entre varias candidaturas, que repartirán entre si a dotación económica.

5. Tramitado o procedemento nos termos anteriormente previstos, a Xunta Directiva resolverá a concesión dos premios, nos termos previstos na proposta motivada efectuada polo xurado.

Artículo 12: Criterios de valoración.

Os premios outorgaranse ás iniciativas que se adecúen aos requisitos esixidos nestas bases, conforme os seguintes criterios de valoración:

- 1.- Contribución da iniciativa á actividade económica do territorio no que se desenvolve
- 2.- Contribución da iniciativa á actividade social do territorio en que se desenvolve
- 3.- Grao de sustentabilidade da iniciativa desde o punto de vista económico, ambiental e sociocultural
- 4.- Contribución a incorporación e inserción laboral da muller
- 5.- Grao de consolidación da iniciativa
6. Grao de innovación, excelencia e orixinalidade
7. Grao de contribución á inserción de colectivos ou persoas socialmente desfavorecidas
8. Grao de implicación en políticas de igualdade
9. Grao de apoio social

Artigo 13: Obrigas das persoas premiadas

Son obrigas das persoas premiadas:

- Destinar o importe dos premios a realizar melloras, conservación ou actuacións complementarias respecto das iniciativas premiadas. As persoas premiadas deberán poder acreditar o cumprimento desta obriga, ante o GDR para realizar o control financeiro, durante

o ano seguinte ao pagamento do premio.

- Acreditar, con carácter previo á concesión e ao pagamento dos premios, que están ao día no cumprimento das súas obrigas tributarias e coa Seguridade Social, e que non teñen débeda pendente de ningunha natureza coa Comunidade Autónoma de Galicia.
- Reintegrar, total ou parcialmente, o importe do premio no suposto de incumprimento dos requisitos e condicións establecidas para a súa concesión.
- Facilitar toda a información que lles sexa requirida polo GDR Condado Paradanta.
- Comunicar ao GDR todos os cambios que se produzan nos requisitos e condicións que determinaron a concesión do premio

#### Artigo 14: Transparencia e bo goberno

1. De conformidade co artigo 17 da Lei 1/2016, do 18 de xaneiro, de transparencia e bo goberno, e co artigo 15 da LSG, o GDR publicará na súa páxina web oficial a relación das persoas premiadas e o importe dos premios concedidos tras a celebración da gala na que se darán a coñecer. Incluirá, igualmente, as sancións que, como consecuencia deles, puidesen impoñerse, nos correspondentes rexistros públicos, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.
2. O GDR fará unha difusión axeitada dos premios concedidos, a través dos medios que, en cada caso, se consideren convenientes, co fin de dar a coñecer as iniciativas premiadas.